



Inatsisartunut ilaasortaq Múte Bourup Egede, Inuit Ataqtigiit
MAANI

§ 37 naapertorlugu apeqquteqaammut nr. 2015-293-imut uranimut tunngasumut akissuteqaat

Inatsisartut suleriaasianni § 37, imm. 1 naapertorlugu uranimut aamma innuttaasut peqataatinneqarnissaannut tunngasunik matuma kingulianiittunik Naalakkersuisunut apeqquteqarputit, tassani tusarniaanerni suleriaatsit suut malinneqartarnersut paasisaqarfiginerorusukkit, apeqqutinut tunngavilersuutini allassimalluni.

28. december 2015
Sagsnr. 2015-17575

Postboks 930
3900 Nuuk

Tlf. (+299) 34 68 00

Fax (+299) 32 43 02

E-mail: mmr@nanoq.gl
www.naalakkersuisut.gl

1. Innuttaasut qanoq peqataatinneqarnissaat pillugu Naalakkersuisup pilersaarutigaa?

Akissut:

Aatsitassarsiorfinnut suliassani, soorlu Kuannersuarni aatsitassarsiorfeqalissagaluarpat, innuttaasut akuutinneqartarnissaannut inatsisitigut killissaliussat aatsitassanut ikummatissanullu inatsimmi aalajangersarneqarput. Soorlu aamma aallakaatitami "Qulaarpar"-mi oqaatigineqartoq, VSB-imut aamma VVM-imut nassuiaasianik suliqaarnissamut suliakkiissutit allassimaffiannut missingiusiamut oqaaseqaateqarnissamut kikkut tamarmik periarfissaqarput. VSB-imut aamma VVM-imut nassuiaasianut suliakkiissutit allassimaffii taakkua aamma taaneqartarput Terms of Reference (ToR) aammalu tassaallutik pingaarnertigut suliassamut nassuiaanerit. Greenland Minerals and Energy (GME) suliakkiissutit allassimaffiannut missingiutit 2014-imi septembarimi-oktobarimi tamanut ammasumik piareersaataasumik tusarniaassutigaat.

Piareersaataasumik tusarniaaneq naammassippat, ingerlatseqatigiiffiup itisiliiffiusumik nalunaarusiamik taaneqartartoq sularissavaa. Itisiliiffiusumik nalunaarusiaq allakkiaavoq, tassani tusarniaanermut akissuteqaatit tiguneqartut tamarmik ataatsimoortinneqartarlutik aammalu ingerlatseqatigiiffimmit akissuteqarfigineqartarlutik. Oqaaseqaatit tiguneqartut suliassanut pilersaarutini allannguuteqartitsinissamik pissutissaqalersitsisinnaanersut isumaliutersuutiginnissaa, ingerlatseqatigiiffiup pisussaaffigaa. Oqaaseqaatinik pingaaruteqartunik, suliassanut pilersaarutini allannguuteqartitsinissamut pissutissaqalersitsisunik peqarpat, tamanna itisiliiffiusumik nalunaarusiami ingerlatseqatigiiffiup akissuteqaataanni ersarissumik allassimassaaq. Ingerlatseqatigiiffiup tusarniaanermut akissuteqaatit tamaasa akissuteqarfigereerpagit, ingerlatseqatigiiffiup apeqqutit oqaaseqaatillu naammaginartumik akissuteqarfigisimanerai, oqartussaasut taakkualu siunnersortaasa nalilersussavaat. Suliakkiissutit allassimaffiinnut missingiutit piareersaataasumik tusarniaassutigineqarneranni tassani taamaalluni innuttaasut VSB-imut aamma VVM-imut nassuiaatit, aatsitassarsiorfiutileqatigiiffiit piiaanissamut akuersissummik tunniussisoqarsinnaalernissaa sioqqullugu sularisassaasa, imarisassaannut sunniuteqarniarnissamut periarfissinneqarput.

Kuannersuarnut VVM-imut imaluunniit VSB-imut nassuiaatit suli piariingillat. Danskisut aamma kalaallisut piareereerpata, taakkua nassuiaatit naalisarneri

tekniskiunngitsut (naalisaanerit atuaruminartut) ilanngullugit, aatsitassanut ikummatissanullu inatsit naapertorlugu minnerpaamik sapaatit akunnerini 8-ini tusarniaassutigineqassapput. Nassuiaatit aamma naalisaanerit atuaruminartut saniatigut tusarniaanerp minnerpaamik sapaatit akunnerini 8-inik sivissussulimmik ingerlanneqartup ingerlanerani, najugaqarfinni ingerlatassanit immikkut kalluarneqartussani, tusarniaalluni ataatsimiititsinerit ingerlanneqassapput. Tusarniaalluni ataatsimiititsineri suliasaq pillugu kalaallisut danskisullu powerpoint atorlugu saqqummiinerit takutinneqassapput agguanneqassallutillu. Saqqummiussassat takutinneqareerneranni innuttaasut GME-imit aallartitanut, immikkut ilisimatuussutsikkut ilisimasalinnut arlaannaannulluunniit attuumassuteqanngitsunut aamma Naalakkersuisunut ilaasortanut apeqquteqarnissamut periarfissaqassapput. Tusarniaalluni ataatsimiititsinerit taakkunannga, tusarniaanermut akissuteqaatit isigineqartunut, imaqarniliortoqassaaq.

Tusarniaanerp ingerlanera naammassippat ingerlatseqatigiiffik itisiliiffiusumik nalunaarusiamik suliaqassaaq, tassani innuttaasut oqaaseqaataannut, piareersaataasumik tusarniaanermi pisutut, isummersussalluni. Innuttaasunit oqaaseqaatit tamarmik akissuteqarfigineqassapput, tassa imaappoq tusarniaalluni ataatsimiititsineri oqaatigalugit saqqummiunneqartut (imaqarniliorneqartut), aammalu tusarniaanermut akissuteqaatini tiguneqartuni allaganngorlugit oqaaseqatigiilliorneqartut. Tamatuma kingorna itisiliiffiusumik nalunaarusiaq Naalakkersuisunut VSB-mut aamma VVM-imut nassuiaasiat saqqummiunneqannginneranni, taakkua nutarterneqarnissaannut atorneqassaaq. Itisiliiffiusumik nalunaarusiaq aamma Naalakkersuisunut saqqummiunneqassaaq, taamaalilluni Naalakkersuisut innuttaasut oqaaseqaataat aammalu ingerlatseqatigiiffiup akissuteqaatai, kiisalu oqartussaasunit taakkualu siunnertuunniit annertunerusumik akissuteqaataasimasinnaasut, atuarsinnaassallugit. Itisiliiffiusumik nalunaarusiaq aamma Naalakkersuisut tusarniaanermut nittartagaanni tamanut saqqummersinneqassaaq, taamaalilluni innuttaasut allallu tusarniaanermut akissuteqateqarsimasut, tusarniaanermut akissuteqaatit qanoq akissuteqarfigineqarsimanersut, takusinnaassallugu.

Aatsitassanut ikummatissanullu inatsimmi aalajangersakkat matuma siuliani allasimasut, innuttaasut akuutinneqarnissaannik qulakkeerisut, saniatigut, Naalakkersuisut aamma VSB-imut aamma VVM-imut nassuiaasianik suliaqarnissamut ilitsersuutit assigiinngitsunik atuutilersitsisimapput. Taakkua nassuiaasiat qanoq suliarineqartariaqarnersut ingerlatseqatigiiffinnut ilitsersuussippat aammalu taamaalilluni innuttaasut qanoq akuutinneqartariaqarnersut ingerlatseqatigiiffinnut annertunerusumik ilitsersuussillutik. Ilitsersuutit nittartakkami matumani takuneqarsinnaapput: <https://govmin.gl/minerals/terms-rules-laws-guidelines>

Taamaattoq innuttaasunik akuutitsineq VVM-imut aamma VSB-imut nassuiaasianik suliaqareernermi aamma nutarterereernermi unitsinneqartanngilaq. VSB-imut nassuiaat Naalakkersuisut, ingerlatseqatigiiffiup aamma kommunip akornanni Impact Benefits Agreement (suleqatigiit pingasut isumaqatigiissutaat) isumaqatiginninniutigineqartussanngorpat tunngavigineqartussaavoq. Suleqatigiit pingasut akornanni isumaqatigiissummi aatsitassarsiorfiup ingerlanneqarnera tamaat (sananeqarneraniit matuneqarnissaa tikillugu) ilaatigut suliffeqarfiit kalaallit pigineqartut atorneqarnissaannut, nunaqavissunik sulisoqarnissamut kiisalu Kalaallit

Nunaanni suliareqqiisarnissamut immikkuullarissunik siunnerfissanik aalajangersaanikkut, inuiaqatigiit kalaallit akuutinneqarnissaat qulakkeerneqassaaq. Aammattaaq aalajangersakkanik ingerlatseqatigiiffiup innuttaasunut aammalu najukkami inuiaqatigiinnut allanut attaveqateqarneranut peqateqarneranullu tunngavissarititaasunut minnerpaaffissaliisunik aamma isumaqatigiissut imaqassaaq.

2. Naalackersuisup "tusarniaanerit" Naalackersuisullu "paasititsiniaallutik ataatsimiititsisarneri" eqqartorpai. Naalackersuisup tusarniaarnerup paasititsiniaanerullu assigiinngissutai qanoq nassuiaateqarfigisinnaavai?

Akissut:

Piiaanissamut akuersissummik qinnuteqaammut tunngatillugu tusarniaanerit minnerpaamik sapaatit akunnerinik 8-inik sivisussuseqarput aamma VVM-imut aamma VSB-imut nassuiaatinut sivissussuseritinneqartussaalluni, takuuk aatsitassanut ikummatissanullu inatsimmi § 87 b.

Taaguut paasititsiniaalluni ataatsimiititsinerit ilaatigut paasissutissiilluni ataatsimiititsinernut Naalackersuisut suliniuteqarnerisigut 2014-imi juunimi, 2015-imi maj/juni aamma 2015-imi aggustimi ingerlanneqartunut, atorneqarpoq, tassani pingaartumik GEUS-imiit aamma DCE-miit immikkut ilisimasallit arlaannaannulluunniit attuumassuteqanngitsut aallaqqaataani uranimik aatsitassarsiorluni misissuineq aamma piiaaneq pillugit saqqummiussillutik, tamatumalu kingorna innuttaasunit apeqqutitut akissuteqarlutik. Paasititsiniaalluni ataatsimiititsinerit pillugit paasissutissat Naalackersuisut nittartagaanni takuneqarsinnaapput: www.naalackersuisut.gl

3. Ingerlatseqatigiiffiup nammineq VVM-liaa VSB-liaalu innuttaasunut paasititsiniaassutitut kisimiitillugit naammassorai?

Akissut:

Aatsitassanut ikummatissanullu inatsimmi §§ 74 aamma 77 naapertorlugit ingerlatseqatigiiffik qinnuteqaateqartoq VVM-imut nassuiaammik aamma VSB-imut nassuiaammik suliaqarnissamut akisussaasuvoq. Ingerlatseqatigiiffiit nassuiaatinik taakkuninnga suliaqarnissamut suliffeqarfinnik siunnersuisartunik imaluunniit ingeniorit suliffeqarfiinik avataaneersunik akuerisaasunik suliaqartitsisarnerat nalinginnaasuvoq, soorlu Orbicon, INUPLAN aamma Grontmij. Naalackersuisut maannakkorpiaq aatsitassanut ikummatissanullu inatsimmi aalajangersakkat matuma siuliani taaneqartut allannguuteqartinnissaannik pilersaaruteqanngillat. Matuma siuliani nassuiarneqartut, immikkut ilisimasallit arlaannaannulluunniit attuumassuteqanngitsut peqataatillugit paasissutissiilluni ataatsimiititsinerit ingerlanneqarnissaat Naalackersuisut isumagisarsimavaat. Ataatsimiititsinerni taakkunani immikkut ilisimasallit saqqummiussaasa imarisaat VVM-imut aamma VSB-imut nassuiaatinik (taakkua suli suliarineqarput) aallaaveqanngillat. Tamatuma saniatigut saqqummersitat allat arlallit, Naalackersuisut.gl-imi nassaarineqarsinnaasut suliarineqarput, ilanngullugu GEUS-imit saqqummersinneqartoq, "*Kalaallit Nunaanni uranimik piiaaneq pillugu paasissutissat aamma pissusiviusut*". GEUS-imit saqqummersinneqartoq 2015-imi Sermitsiaq-mut aamma AG-imut ilanngullugit sapaatit akunneranni 39-imi aamma 40-imi nassiussorneqarpoq. Aammattaaq saqqummersitaq danskisooq aamma kalaallisooq minnerpaamik ataaseq Kalaallit Nunaanni illoqarfinnut nunaqarfinnullu tamaginnut nassiussorneqarpoq. Innuttaasunut paasissutissiineq taamaalilluni VVM-imut aamma VSB-imut nassuiaasiat imarisaannaannik aallaaveqartinneqanngilaq.

4. Nalunaarusiat taakkua marluk qanoq paasinartumik innuttaasunut paasissutissiissutigineqarpat?

Akissut:

Matuma siuliani apeqqu 1-ip ataani akissuteqaammi oqaatigineqartut nalunaarusiat imarisai naalisaanerit atuaruminartut aamma tusarniaalluni ataatsimiittisinerni saqqummiussinerit atorlugit paasissutissiissutigineqarput.

5. Naalackersuisup "Hvidbog" saqqummersimasoq eqqartorjaa. Hvidbogip pineqartup imarisassai kia aalajangiiffigai?

Akissut:

Suliakkiissutit allassimaffiisa nutarterneqarnerannut itisiliiffiusumik nalunaarusiaq, apeqqu 1-ip ataani akissuteqaammi allassimasutut, oqaaseqaatit aamma allaganngorlugit tusarniaanermut akissuteqaatit tiguneqartut imarisai tunngavigalugit suliarineqarput. Tusarniaanermut akissuteqaatit tamarmik Naalackersuisut nittartagaanni takuneqarsinnaapput. Itisiliiffiusumik nalunaarusiaq ingerlatseqatigiiffimmit suliarineqarpoq, kisianni itisiliiffiusumik nalunaarusiami oqaaseqaatinut aamma tusarniaanermut akissuteqaatini tiguneqartuni apeqputinut pingaaruteqartunut tamaginnut ingerlatseqatigiiffiup isummersorsimanissaa oqartussaasut qularnaarpaat.

6. Kuannersuarni piiaanissamut qinnuteqartoqassappat kikkut akuersissummik itigartitsissumilluunniit tunniussisinnaatitaappat?

Akissut:

Aatsitassanut ikummatissanullu inatsimmi § 16 naapertorlugu Naalackersuisut aatsitassanik piiaanissamut akuersissummik tunniussisuusussaapput. taamaalilluni Naalackersuisut Kuannersuarni aatsitassanik piiaanissamut akuersissummik tunniussisoqassanersoq aalajangertussaavaat. Taamaattoq akuersissummik tunniussisinaanissamut, suliassap inatsimmi piumasaqaatinut naammassinnissimanissaa, pisariaqarpoq, tassani piiaanerup peqqissutsikkut, avatangiisitigut aammalu inuiaqatigiinni pijuartitsinissamik tunngaveqartumik pisinaanissaa qulakkeerneqartussaalluni.

Inussiarnersumik inuulluaqqusillunga



Randi Vestergaard Evaldsen